

und schepffen unnd ganczen gemeine zu Holtzhausen als dieser ding kunfftiger zeit glaubwürdigen gezeugen auffgericht unnd unsern erbherren zugestellt. Actum Holtzhausen freitag nach Marie opfferung a° 1548.

482.

Kurfürst Moritz eignet den Stipendiaten der Theologie 300 Gulden jährlicher wiederkäuflicher auf 5 dem Kloster Buch ruhender Zinsen eines Capitals von 6000 Gulden zu. Torgau, 1548 Dec. 29.

Hdschr.: Copiale magnum T. I, fol. 151^b—152.

Ann.: Vergl. hierzu Zarncke, urkundl. Quellen 701 No. 9.

Von gottes gnaden wir Moritz hertzog zu Sachssen, des heiligen Römischen reichs ertzmarschal unnd churfurst, landtgrave in Döringen unnd marggrave zu Meissen, 10 bekennen vor uns, unser erben und nachkommen mit diesem brieffe, nachdeme unser rath unnd lieber getreuer Georg von Karelwitz auffen Kriebenstein vom closter Dobeln die dörffer Grumberg sampt dem forwerg doselbsts, Hackendorff, Mesenburg und Meßheim, auch etzliche bauern zu Schönberg sampt dem holtz der nonnenwalt genant vor sechstausent guldein hauptsuma erkaufft unnd inhalt seines kauffbrives soliche sechs- 15 tausent guldein der schulen zu Merseburg widerkaufflich schuldig worden unnd hernach von uns mit solicher kauffsumma und widerkaufflichen zinsen zu den stipendien der funfftzig studenten, die wir anstat der schulenn zu Merseburg verordent unnd in der heiligen schriefft studiren sollen, inhalts unsers brieffs, gleich andern vorwiesen, welche widerkauffliche zins er auch gemelter vorsamplung der studenten auff alle seine guetter 20 vermug eines rechten bestendigen widerkauffs vorschrieben, vorsichert und bis anhero ierlich betzalt hat, das wir aus bedenklichen und bewegenden ursachen vorschafft, das gedachter unser rath soliche seine vorschreibung widerumb zugestellt und uberanthwort unnd er derhalben gnugsam von den verordenten einnemern quittirt, auch gnediglich bewilligt unnd verordent, das soliche hauptsumma der sechstausent guldein sampt den 25 zinsen, als nemlich alle iar dreihundert und also ye von einem hundert funff guldein auff das closter Buch vorschrieben unnd vorsichert werden sollen, in aller massen und gestalt wie die mhergedachter von Karelwitz zu reichen unnd zu geben verpflichtet gewesen, gereicht unnd gegeben hat. Derhalben bewilligen und vorschreiben wir hiemitt den obgemelten stipendien soliche sechstausent gulden hauptsumma ye das hundert ierlich mit 30 funff gulden widerkaufflichen zinsen auff dem closter Buch unnd alle derselben guetter dergestalt, das von wegen derselben sechstausent gulden hauptsumma ierlich dreihundert gulden widerkeuffliche zinse auff zwene termin, nemlich halb auff ostern und die ander helfft auff michaelis negst darnach und also fur bis zu erlegung der sechstausent gulden hauptsumma, die wir uns sampt unserer weiterer verordnung zu unser 35 und unserer erben gelegenheit stipendien zu thun vorbehalten, an ganghafftiger unser muntz sollen entricht und betzalt werden, befahlen und gebietten darauff dem itzigen und zukonfftigen verwalter des closters Buch, das sie sich mit reichung und betzalung